



PARLAMENTO
DE GALICIA



BOLETÍN OFICIAL DO PARLAMENTO DE GALICIA

X lexislatura
Número 527
10 de setembro de 2019



SUMARIO

1. Procedementos parlamentarios

1.1. Procedementos de natureza normativa

1.1.2. Propostas de normas

1.1.2.1. Proxectos e proposicións de lei

1.1.2.1.5. Proposicións de lei de iniciativa popular

■ 40064 (10/PPLI-000004)

Comisión Promotora

Proposición de lei de iniciativa popular de medidas para a nova xestión dos saltos e aproveitamentos hidroeléctricos na Comunidade Autónoma de Galicia [173217](#)

1.3. Procedementos de control e impulso

1.3.6. Proposicións non de lei

1.3.6.2. Proposicións non de lei en Comisión

1.3.6.2.4. Proposicións tramitadas

COMISIÓN 3ª, ECONOMÍA, FACENDA E ORZAMENTOS

Rexeitamento das iniciativas

■ 28786 (10/PNC-002269)

Grupo Parlamentario dos Socialistas de Galicia

Rodríguez Rumbo, Matilde Begoña e tres deputados/as máis

Sobre as actuacións que debe levar a cabo o Goberno galego en relación coa perda de poboación que está a padecer Galicia nos últimos anos, nomeadamente nos concellos do medio rural [173212](#)

■ 45801 (10/PNC-003690)

Grupo Parlamentario de En Marea

Torregrosa Sañudo, Julia e Lago Peñas, José Manuel

Sobre a elaboración polo Goberno galego dun plan que permita xerar oportunidades de emprego para as persoas paradas de maior idade [173212](#)

COMISIÓN 4ª, EDUCACIÓN E CULTURA

Rexeitamento da iniciativa

■ 47893 (10/PNC-003876)

Grupo Parlamentario do Bloque Nacionalista Galego

Rodil Fernández, Olalla e cinco deputados/as máis

Sobre o inicio por parte da Xunta de Galicia, antes do remate de 2019, das actuacións necesarias para recuperar e poñer en valor o patrimonio arqueolóxico existente na unidade de intervención UI7, no barrio da Tinería da cidade de Lugo [173212](#)



I 52253 (10/PNC-004174)**Grupo Parlamentario de En Marea****Chao Pérez, Luca e Cuña Bóveda, María de los Ángeles**

Sobre as actuacións que debe levar a cabo o Goberno galego en relación coa situación en que se atopan os investigadores de alto nivel contratados polas universidades galegas na súa etapa pos-doutoral como consecuencia da demora na publicación da resolución das novas axudas, correspondentes á modalidade B, para a renovación dos seus contratos [173212](#)

I 52956 (10/PNC-004212)**Grupo Parlamentario de En Marea****Cuña Bóveda, María de los Ángeles e Chao Pérez, Luca**

Sobre a demanda á Xunta de Galicia destinada ao mantemento do ciclo de grao medio de FP de Emerxencias e Protección Civil [173213](#)

I 52989 (10/PNC-004215)**Grupo Parlamentario Mixto****Vázquez Verao, Paula**

Sobre a reparación do dano causado pola realización de obras no mosteiro de San Salvador de Asma en xaneiro de 2019 e a elaboración dun plan especial de protección [173213](#)

COMISIÓN 6ª, INDUSTRIA, ENERXÍA, COMERCIO E TURISMO**Aprobación por unanimidade con modificacións****I 50815 (10/PNC-004092)****Grupo Parlamentario do Bloque Nacionalista Galego****Presas Bergantiños, Noa e cinco deputados/as máis**

Sobre as actuacións que debe levar a cabo o Goberno galego en relación co concurso de acredores presentado e o posible peche da planta da empresa Poligal en Narón [173213](#)

I 51988 (10/PNC-004154)**Grupo Parlamentario de En Marea****Chao Pérez, Luca**

Sobre as actuacións que debe levar a cabo o Goberno galego en relación coa presentación dun concurso de acredores e co posible peche da planta de Poligal en Narón, así como as axudas públicas autonómicas recibidas pola empresa [173214](#)

Rexeitamento da iniciativa**I 47311 (10/PNC-003819)****Grupo Parlamentario dos Socialistas de Galicia****Losada Álvarez, Abel Fermín e Pérez Seco, José Manuel**

Sobre as actuacións que debe levar a cabo a Xunta de Galicia en relación coas dificultades que teñen as empresas galegas, en especial as pemes, para a súa incorporación aos mercados internacionais [173214](#)



I 50838 (10/PNC-004093)**Grupo Parlamentario do Bloque Nacionalista Galego****Presas Bergantiños, Noa e cinco deputados/as máis**

Sobre a actuación que debe levar a cabo a Xunta de Galicia en relación coa situación da planta de Isowat na Coruña e a negociación entre Abanca e calquera posible investidor [173215](#)

I 51982 (10/PNC-004153)**Grupo Parlamentario de En Marea****Chao Pérez, Luca**

Sobre as actuacións que debe levar a cabo o Goberno galego en relación coa suba dos prezos do alugamento nas zonas de proliferación de pisos turísticos [173215](#)

I 52826 (10/PNC-004204)**Grupo Parlamentario dos Socialistas de Galicia****Rodríguez Dacosta, Maria del Carmen e Pérez Seco, José Manuel**

Sobre a demanda á Xunta de Galicia dunha modificación da Resolución do 26 de xuño de 2019 pola que se establecen as bases reguladoras para a concesión de subvencións, en réxime de concorrencia non competitiva, relativas ao Plan de transición a unha mobilidade eficiente [173215](#)

2. Elección e composición do Parlamento, réxime e goberno interior, organización e funcionamento

2.2. Composición do Parlamento e dos seus órganos

2.2.6. Composición da Mesa das comisións

COMISIÓN 3ª, ECONOMÍA, FACENDA E ORZAMENTOS

I Elección da Presidencia da Comisión 3ª, Economía, Facenda e Orzamentos [173216](#)

3. Administración do Parlamento de Galicia

3.2. Recursos humanos

I Resolución da Presidencia, do 9 de setembro de 2019, pola que se nomean os membros da Comisión de valoración do concurso de méritos para a provisión do posto AP109, de adxunto/a á xefatura do Servizo de Tecnoloxías da Información da Administración do Parlamento de Galicia [173216](#)



1. Procedementos parlamentarios

1.1. Procedementos de natureza normativa

1.1.2. Propostas de normas

1.1.2.1. Proxectos e proposicións de lei

1.1.2.1.5. Proposicións de lei de iniciativa popular

A Mesa do Parlamento, na súa sesión do día 9 de setembro de 2019, adoptou os seguintes acordos:

Coñecemento das sinaturas e admisión a trámite

- 40064 (10/PPLI-000004)

Comisión Promotora

Proposición de lei de iniciativa popular de medidas para a nova xestión dos saltos e aproveitamentos hidroeléctricos na Comunidade Autónoma de Galicia

BOPG nº 405, do 03.01.2019

A Mesa acorda:

1º. Admitir a trámite a Proposición de lei de iniciativa legislativa popular de medidas para a nova xestión dos saltos e aproveitamentos hidroeléctricos na Comunidade Autónoma de Galicia.

2º. Dispoñer o seu traslado á Xunta de Galicia para que manifieste o seu criterio e a súa conformidade respecto da súa tramitación nos termos previstos no artigo 123.2 do Regulamento e para que emita o informe previsto no Decreto legislativo 2/2015, do 12 de febreiro, polo que se aproba o texto refundido das disposicións legais da Comunidade Autónoma de Galicia en materia de igualdade.

3º. Notificar este acordo á Comisión Promotora e á Xunta Electoral de Galicia.

4º. Publicar este acordo e o texto da proposición de lei no *Boletín Oficial do Parlamento de Galicia*.

Santiago de Compostela, 10 de setembro de 2019

Miguel Ángel Santalices Vieira

Presidente

1.3. Procedementos de control e impulso

1.3.6. Proposicións non de lei

1.3.6.2. Proposicións non de lei en Comisión

1.3.6.2.4. Proposicións tramitadas

COMISIÓN 3ª, ECONOMÍA, FACENDA E ORZAMENTOS

A Comisión 3ª, Economía, Facenda e Orzamentos, na súa sesión do 6 de setembro de 2019, adoptou os seguintes acordos:



Rexeitamento das iniciativas

- 28786 (10/PNC-002269)

Grupo Parlamentario dos Socialistas de Galicia

Rodríguez Rumbo, Matilde Begoña e tres deputados/as máis

Sobre as actuacións que debe levar a cabo o Goberno galego en relación coa perda de poboación que está a padecer Galicia nos últimos anos, nomeadamente nos concellos do medio rural

BOPG nº 289, do 11.04.2018

Sométese a votación e resulta rexeitada por 5 votos a favor, 7 votos en contra e 0 abstencións.

- 45801 (10/PNC-003690)

Grupo Parlamentario de En Marea

Torregrosa Sañudo, Julia e Lago Peñas, José Manuel

Sobre a elaboración polo Goberno galego dun plan que permita xerar oportunidades de emprego para as persoas paradas de maior idade

BOPG nº 434, do 20.02.2019

Sométese a votación e resulta rexeitada por 5 votos a favor, 7 votos en contra e 0 abstencións.

Santiago de Compostela, 6 de setembro de 2019

Eva Solla Fernández

Vicepresidenta 2ª

COMISIÓN 4ª, EDUCACIÓN E CULTURA

A Comisión 4ª, Educación e Cultura, na súa sesión do 6 de setembro de 2019, adoptou os seguintes acordos:

Rexeitamento da iniciativa

- 47893 (10/PNC-003876)

Grupo Parlamentario do Bloque Nacionalista Galego

Rodil Fernández, Olalla e cinco deputados/as máis

Sobre o inicio por parte da Xunta de Galicia, antes do remate de 2019, das actuacións necesarias para recuperar e poñer en valor o patrimonio arqueolóxico existente na unidade de intervención UI7, no barrio da Tinería da cidade de Lugo

BOPG nº 450, do 27.03.2019

Sométese a votación e resulta rexeitada por 4 votos a favor, 7 votos en contra e 0 abstencións.

- 52253 (10/PNC-004174)

Grupo Parlamentario de En Marea

Chao Pérez, Luca e Cuña Bóveda, María de los Ángeles

Sobre as actuacións que debe levar a cabo o Goberno galego en relación coa situación en que se atopan os investigadores de alto nivel contratados polas universidades galegas na súa etapa pos-



doutoral como consecuencia da demora na publicación da resolución das novas axudas, correspondentes á modalidade B, para a renovación dos seus contratos
BOPG nº 502, do 10.07.2019

Sométese a votación e resulta rexeitada por 4 votos a favor, 7 votos en contra e 0 abstencións.

- 52956 (10/PNC-004212)

Grupo Parlamentario de En Marea

Cuña Bóveda, María de los Ángeles e Chao Pérez, Luca

Sobre a demanda á Xunta de Galicia destinada ao mantemento do ciclo de grao medio de FP de Emerxencias e Protección Civil

BOPG nº 517, do 05.08.2019

Sométese a votación e resulta rexeitada por 4 votos a favor, 7 votos en contra e 0 abstencións.

- 52989 (10/PNC-004215)

Grupo Parlamentario Mixto

Vázquez Verao, Paula

Sobre a reparación do dano causado pola realización de obras no mosteiro de San Salvador de Asma en xaneiro de 2019 e a elaboración dun plan especial de protección

BOPG nº 517, do 05.08.2019

Sométese a votación separada por puntos:

Punto 2: resulta rexeitado por 3 votos a favor, 7 votos en contra e 1 abstencións.

Puntos 1 e 3: resultan rexeitados por 4 votos a favor, 7 votos en contra e 0 abstencións.

Santiago de Compostela, 6 de setembro de 2019

Eva Solla Fernández

Vicepresidenta 2ª

COMISIÓN 6ª, INDUSTRIA, ENERXÍA, COMERCIO E TURISMO

A Comisión 6ª, Industria, Enerxía, Comercio e Turismo, na súa sesión do 5 de setembro de 2019, adoptou os seguintes acordos:

Aprobación por unanimidade con modificacións

- 50815 (10/PNC-004092)

Grupo Parlamentario do Bloque Nacionalista Galego

Presas Bergantiños, Noa e cinco deputados/as máis

Sobre as actuacións que debe levar a cabo o Goberno galego en relación co concurso de acredores presentado e o posible peche da planta da empresa Poligal en Narón

BOPG nº 486, do 12.06.2019

Sométese a votación e resulta aprobada con modificacións respecto do texto orixinal, pola unanimidade dos 11 deputados e deputadas presentes.



O texto aprobado é o seguinte:

«O Parlamento de Galicia insta a Xunta de Galicia a:

1. Demandar do administrador concursal flexibilidade nos tempos para incrementar as posibilidades de atopar comprador.
2. Intensificar os traballos da Mesa técnica de traballo e a colaboración co Comité de Empresa.
3. Exixir unha moita e maior implicación do Ministerio de Industria na busca de posibles novos investidores que asuman a xestión desta planta.»

- 51988 (10/PNC-004154)

Grupo Parlamentario de En Marea

Chao Pérez, Luca

Sobre as actuacións que debe levar a cabo o Goberno galego en relación coa presentación dun concurso de acredores e co posible peche da planta de Poligal en Narón, así como as axudas públicas autonómicas recibidas pola empresa

BOPG nº 498, do 04.07.2019

Sométese a votación e resulta aprobada con modificacións respecto do texto orixinal, pola unanimidade dos 11 deputados e deputadas presentes.

O texto aprobado é o seguinte:

«O Parlamento galego insta á Xunta de Galicia a:

1. Defender ante os propietarios a continuidade da actividade produtiva e o mantemento dos postos de traballo, na planta de Poligal en Narón.
2. Demandar do administrador concursal flexibilidade nos tempos para incrementar as posibilidades de atopar comprador.
3. Revisar o cumprimento das condicións de concesión de todas as axudas públicas autonómicas recibidas pola empresa Poligal.
4. Exixir unha moita e maior implicación do Ministerio de Industria na busca de posibles novos investidores que asuman a xestión desta planta.»

Rexeitamento da iniciativa

- 47311 (10/PNC-003819)

Grupo Parlamentario dos Socialistas de Galicia

Losada Álvarez, Abel Fermín e Pérez Seco, José Manuel

Sobre as actuacións que debe levar a cabo a Xunta de Galicia en relación coas dificultades que teñen as empresas galegas, en especial as pemes, para a súa incorporación aos mercados internacionais

BOPG nº 444, do 13.03.2019



- 50838 (10/PNC-004093)

Grupo Parlamentario do Bloque Nacionalista Galego

Presas Bergantiños, Noa e cinco deputados/as máis

Sobre a actuación que debe levar a cabo a Xunta de Galicia en relación coa situación da planta de Isowat na Coruña e a negociación entre Abanca e calquera posible investidor

BOPG nº 486, do 12.06.2019

Sométese a votación e resulta rexeitada por 5 votos a favor, 6 votos en contra e 0 abstencións.

- 51982 (10/PNC-004153)

Grupo Parlamentario de En Marea

Chao Pérez, Luca

Sobre as actuacións que debe levar a cabo o Goberno galego en relación coa suba dos prezos do alugamento nas zonas de proliferación de pisos turísticos

BOPG .º 498, do 04.07.2019

Sométese a votación por puntos:

– Puntos 1 e 3 a) e b): rexeitados por 5 votos a favor, 6 votos en contra e 0 abstencións.

– Puntos 2 e 3 c): resultan rexeitados por 3 votos a favor, 6 votos en contra e 2 abstencións.

- 52826 (10/PNC-004204)

Grupo Parlamentario dos Socialistas de Galicia

Rodríguez Dacosta, Maria del Carmen e Pérez Seco, José Manuel

Sobre a demanda á Xunta de Galicia dunha modificación da Resolución do 26 de xuño de 2019 pola que se establecen as bases reguladoras para a concesión de subvencións, en réxime de concorrencia non competitiva, relativas ao Plan de transición a unha mobilidade eficiente

BOPG nº 512, do 29.07.2019

Sométese a votación e resulta rexeitada por 5 votos a favor, 6 votos en contra e 0 abstencións.

Santiago de Compostela, 6 de setembro de 2019

Eva Solla Fernández

Vicepresidenta 2ª

2. Elección e composición do Parlamento, réxime e goberno interior, organización e funcionamento

2.2. Composición do Parlamento e dos seus órganos

2.2.6. Composición da Mesa das comisións

COMISIÓN 3ª, ECONOMÍA, FACENDA E ORZAMENTOS

A Comisión 3ª, Economía, Facenda e Orzamentos, na súa sesión do 6 de setembro de 2019, adoptou os seguintes acordos:



Elección de presidente

- 54846 (10/CEEM-000046)

Comisión 3ª, Economía, Facenda e Orzamentos

Elección da Presidencia da Comisión 3ª, Economía, Facenda e Orzamentos

Presidenta: dona María Teresa Porrirt Lueiro (S)

Santiago de Compostela, 6 de setembro de 2019

Eva Solla Fernández

Vicepresidenta 2ª

3. Administración do Parlamento de Galicia

3.2. Recursos humanos

Resolución da Presidencia, do 9 de setembro de 2019, pola que se nomean os membros da Comisión de valoración do concurso de méritos para a provisión do posto AP109, de adxunto/a á xefatura do Servizo de Tecnoloxías da Información da Administración do Parlamento de Galicia

De conformidade co disposto no punto 5 das bases que rexen a convocatoria de concurso de méritos para a provisión do posto AP109 de adxunto/a á xefatura do Servizo de Tecnoloxías da Información da Administración do Parlamento de Galicia, aprobadas por acordo da Mesa do Parlamento de Galicia do de 10 de xuño de 2019,

RESOLVO:

Nomear membros da Comisión de valoración do concurso de méritos para a provisión do antedito posto as persoas que figuran a continuación:

Comisión titular:

Presidente: Xosé Antón Sarmiento Méndez

Secretario: F. Javier Freire González

Vogal 1: Pedro Vila López

Vogal 2: Carolina Costoya Pardo

Vogal 3: Raquel Rodríguez Carro

Comisión suplente:

Presidente: Juan Carlos Caride Puente

Secretario: Martín Nercellas Méndez

Vogal 1: María Rosa Buceta López

Vogal 2: Carmen Fernández Dasilva

Vogal 3: María Aneiros González

Santiago de Compostela, 9 de setembro de 2019

Miguel Ángel Santalices Vieira

Presidente



PARLAMENTO DE GALICIA
REXISTRO XERAL ENTRADA

12 NOV. 2018

Núm. 40064

Á MESA DO PARLAMENTO DE GALIZA

comparecen perante a Mesa do Parlamento de Galiza en calidade de Comisión Promotora da presente iniciativa, e **EXPOÑEN:**

Que consoante ao disposto no artigo 4 da Lei 1/1988, do 19 de xaneiro, formulan escrito de promoción de INICIATIVA LEXISLATIVA POPULAR, co seguinte contido:

I. De conformidade co disposto na letra b) do artigo 4 da Lei 1/1988, do 19 de xaneiro, as razóns que aconsellan a tramitación e aprobación polo Parlamento de Galiza da presente proposición de lei céntranse na necesidade promover políticas públicas para garantir a enerxía como servizo público para o desenvolvemento económico e industrial de Galiza, así como garantir a subministración da enerxía como dereito universal de todas as persoas.

II. De acordo coa letra a) do artigo 4 da Lei 1/1988, do 19 de xaneiro, exponse a seguir o texto articulado da proposición de lei, precedido dunha exposición de motivos:



MEDIDAS PARA A NOVA XESTIÓN DOS SALTOS E APROVEITAMENTOS HIDROELÉCTRICOS NA COMUNIDADE AUTÓNOMA DE GALIZA

Exposición de motivos

Núm. 110064

I

O sector enerxético ten para Galiza un valor estratéxico polo que representa no seu produto interior bruto e por ser un factor relevante na produción industrial. A pesar desa importancia, Galiza apenas contou con capacidade para deseñar e aplicar unha estratexia enerxética propia, orientada a un aproveitamento endógeno dos seus recursos enerxéticos.

Ao longo dos anos, por decisións políticas, Galiza foise especializando na xeración de electricidade. Deste xeito, desempeñou un papel de subministrador de enerxía eléctrica para o resto do Estado español, destacando, entre outros, o seu potencial hidroeléctrico. Hoxe Galiza conta con 3.738 MW de potencia hidráulica instalada, que representa aproximadamente o 18% da potencia hidráulica do Estado, e unha produción media, con respecto ao Estado, do 23% no último decenio.

Esta potencia instalada en Galiza concrétese en 166 centrais hidráulicas, das cales son 45 de gran hidráulica e 121 de pequena hidráulica; a construción destas centrais supuxo as máis das veces a perda de núcleos de poboación, o desprazamento dos seus habitantes e o asolagamento de terras fértiles, non sendo sempre pacífica esta ocupación de terras.

Porén, a pesar de que esta grande capacidade de produción hidroeléctrica levou aparelados uns moi importantes custos sociais e ambientais, Galiza non tirou ningún proveito desta actividade económica.

A construción destas centrais hidráulicas respondían ao modelo investimento-concesión de augas, polo que, a cambio dos investimentos precisos para a súa construción, concedeuse ás empresas promotoras unha duración mínima de 75 anos para a súa explotación. No entanto, en Galiza hai centrais hidráulicas que se remontan a finais do século XIX e seguen funcionando en mans privadas.

Lembrar, tamén, que a grande maioría destas concesións fixéronse cando a retribución da produción hidroeléctrica estaba fixada polo Goberno central e, desde a aprobación da Lei 54/1997, do Sector Eléctrico, a súa retribución xa depende do mercado marxinalista (*pool*), igualándose á retribución da tecnoloxía de produción eléctrica máis cara de cada hora, polo que agora a enerxía hidráulica recibe o que no sector se denominan como *beneficios chovidos do ceo*, é dicir, estas concesións tiveron un grande incremento en beneficios sen que repercutise ou fose compensado con contraprestacións sociais nos territorios onde se construíron.

No remate da vixencia da concesión, a lexislación obriga a revertelas á Administración Pública en perfectas condicións de funcionamento; porén, a arbitrariedade nas concesións iniciais, as modificacións lexislativas acomodadas aos intereses das concesionarias, a dispersión -premeditada e caótica- das competencias administrativas (tres organismos de conca para as 166 concesións en Galiza), xunto ao caos



12 NOV. 2018

Num. oficial consultado: 40069

organizativo resultante nos expedientes e a ausencia de transparencia nos datos máis básicos, como o remate da concesión -variábel segundo o organismo oficial consultado-, fan que, malia o tempo transcorrido non se coñeza ningunha planificación para a recuperación destes activos de xeración eléctrica, feito motivado polas disfuncións administrativas no proceso de reversión e, sobre de todo, pola falta de políticas públicas de interese xeral, que permitirían destinar os beneficios da produción hidroeléctrica a abaratar o custo da electricidade, tanto para as persoas consumidoras como para as empresas favorecendo a súa competitividade e, deste xeito, que Galiza por fin acadase algún beneficio.

Por todo isto, a pretensión desta ILP é que os expedientes de reversión das centrais hidráulicas se tramiten sen atrasos e sen caducidades; e tamén, a revisión de todas e cada unha das concesións hidráulicas en Galiza, para comprobar o grao de cumprimento por parte das empresas concesionarias.

II

Polo que esta Iniciativa Lexislativa Popular pretende:

1. Que a Xunta de Galiza participe directamente, ou través de empresas mixtas, no aproveitamentos dos recursos enerxéticos endóxenos.
2. A aprobación dunha Lei que regule a explotación de aproveitamentos hidroeléctricos para fins de utilidade pública e de interese social. E, así mesmo, o compromiso de entregar no Parlamento galego unha relación detallada da situación e as estipulacións das concesións hidroeléctricas en Galiza.
3. E, por último, que a Xunta de Galiza, no ámbito de cooperación coa Administración Xeral do Estado, promova a modificación do texto refundido da Lei de Augas, aprobado polo Real Decreto-Lei 1/2001, do 20 de xullo, de xeito que permita conseguir os obxectivos anteriormente expostos.

CAPÍTULO ÚNICO

Artigo 1.- O Goberno galego, no ámbito das súas competencias exclusivas, adoptará as medidas necesarias encamiñadas á participación da Xunta de Galiza, directamente ou a través de empresas mixtas, para o aproveitamento público de todos os recursos enerxéticos, así como de todas as instalacións de produción, distribución e transporte existente en Galiza.

Artigo 2.-

1. O Goberno galego, mediante a aprobación dunha Lei regulará a adscrición e cesión da explotación de aproveitamentos hidroeléctricos revertidos polas administracións



hidráulicas competentes nas concas hidrográficas internas da Comunidade Autónoma para fins de utilidade pública e interese social.

2. No prazo de 6 meses, desde aprobación desta Lei, a Xunta de Galiza entregará no Parlamento galego unha relación completa das concesións hidroeléctricas en Galiza, con información do inicio da concesión, da posta en marcha, das prórrogas se as houbo e cal foi o motivo, da data de remate da concesión e dos compromisos adquiridos polas empresas concesionarias.

Artigo 3.- O Goberno galego, dentro do exercicio das súas competencias en materia de augas, promoverá e defenderá nos órganos de coordinación coas administracións públicas, en concreto coa Administración Xeral do Estado, as actuacións necesarias de cooperación que permitan a posta en práctica de medidas encamiñadas a modificar os artigos do texto refundido da Lei de Augas, aprobado polo Real Decreto-Lei 1/2001, do 20 de xullo, nos preceptos que se relacionan a continuación, e nos termos que en cada caso se indican:

Primeiro. Créase unha nova Sección 7ª no Capítulo III no Título IV, cuxa epígrafe será: "Da reversión de aproveitamentos hidroeléctricos ", que estará composto polo artigo 80 bis, co seguinte contido:

“Artigo 80 bis. Disposicións sobre a reversión de instalacións hidroeléctricas

A declaración de extinción do dereito ao uso privativo das augas adquirido en virtude de concesión ou outros títulos xurídicos, que leve á posible reversión ou recuperación de instalacións hidroeléctricas ao patrimonio público, suxeitarase ao procedemento establecido regulamentariamente, con aplicación das seguintes disposicións especiais:

A competencia para a tramitación do expediente corresponderá á Administración hidráulica competente. Na Administración do Estado o expediente tramitarase polo organismo de conca e resolverase pola Dirección Xeral da Auga.


Os expedientes iniciaranse de oficio por acordo do órgano competente, ben por propia iniciativa ou como consecuencia de orde superior, a petición razoada doutros órganos ou por denuncia.

Os expedientes de extinción do dereito nos casos de remate do prazo iniciaranse tres anos antes da finalización do prazo. Os expedientes de extinción do dereito por caducidade, renuncia expresa do concesionario, expropiación forzosa ou calquera outras causas extintivas derivadas do título habilitante, iniciaranse cando se dean as circunstancias que o determinen.

O prazo para resolver será dun ano e, en todo caso, antes de que finalice o prazo de extinción do dereito. A falta de resolución expresa ao vencemento do prazo, en ningún caso, producirá a caducidade do procedemento.

O inicio do expediente comunicarse aos órganos competentes sobre a xestión do patrimonio da Administración actuante. E no caso de que existan instalacións obxecto de reversión situadas en Montes de Utilidade Pública de titularidade da Administración local tamén se comunicará o inicio do expediente de reversión á Administración competente para os efectos da lexislación de montes aplicable.

O expediente de extinción será informado pola Comunidade Autónoma e o concello no ámbito territorial do cal estea radicada a central hidroeléctrica, e someterase a información pública no Boletín Oficial do Estado.



12 NOV. 2018

NUM. 40064

A reversión do aproveitamento hidroeléctrico comprenderá a central e o resto de instalacións necesarias para o seu funcionamento que formen unha unidade de explotación. Iso inclúe todas as instalacións do aproveitamento hidroeléctrico situadas dentro e fóra do dominio público hidráulico.

A Administración hidráulica cando considere posible e conveniente a continuidade do aproveitamento hidroeléctrico, e compatible co plan hidrolóxico, acordará a reversión das instalacións do salto hidroeléctrico para a súa explotación. O concesionario ou titular do dereito extinguido deberá entregar as instalacións en adecuadas condicións de explotación. Na mesma resolución determinarase a entidade pública que levará a cabo a explotación e outorgaráselle autorización especial para a explotación do aproveitamento hidroeléctrico revertido segundo as condicións de explotación existentes adaptadas ao plan hidrolóxico vixente e actualizaranse as condicións económicas inherentes á concesión, entre outras o pagamento de tarifas de utilización da auga e canon de regulación, cando procedan. A vixencia da autorización especial poderase revisar de acordo coa aprobación ou revisión de novos plans hidrolóxicos.

A Administración hidráulica cando non considere viable a continuidade do aproveitamento hidroeléctrico ou sexa incompatible co plan hidrolóxico acordará a retirada ou demolición das instalacións hidroeléctricas á conta do concesionario coas condicións ambientais que determinase o órgano competente en materia de medio ambiente.”

Segundo. Engádese unha nova disposición décimo sexta coa seguinte redacción:

"Disposición adicional décimo sexta. Adscrición e cesión da explotación de aproveitamentos hidroeléctricos revertidos pola Administración do Estado para fins de utilidade pública e interese social

1. Nos expedientes de reversión de instalacións hidroeléctricas tramitados pola Administración hidráulica estatal, o Ministerio de Facenda, a proposta da Dirección Xeral da Auga e da Dirección Xeral de Patrimonio, autorizará a cesión da explotación dos aproveitamentos hidroeléctricos revertidos a favor de entidades públicas ou a súa adscrición aos organismos de conca, para a realización de fins de utilidade pública ou interese social, segundo o establecido nesta disposición.

A cesión ou a adscrición do aproveitamento hidroeléctrico revertido para a súa explotación comprenderá a central e as demais instalacións do salto hidroeléctrico que sexan obxecto da reversión.

A cesión da explotación do aproveitamento hidroeléctrico revertido será gratuíta, temporal, renovable por períodos de 30 anos e condicionada, en todo momento, á vixencia da autorización especial de explotación de acordo coas previsións dos plans hidrolóxicos. A adscrición ao organismo de conca será indefinida pero suxeita ao cumprimento das previsións do plan hidrolóxico.

2. Con carácter xeral, a cesión da explotación dos aproveitamentos hidroeléctricos revertidos cuxa potencia non exceda de 50.000 KVA autorizarase, previo informe da Comunidade Autónoma competente por razón do territorio, a favor da Administración municipal, supramunicipal ou provincial en cuxa demarcación administrativa estea situada a central hidroeléctrica e se considere máis acaída para xestionar e aplicar os rendementos do aproveitamento hidroeléctrico aos intereses locais da zona de influencia do salto.

A cesión da explotación do aproveitamento hidroeléctricos revertidos cuxa potencia exceda de 50.000 KVA, autorizarase a favor da Comunidade Autónoma con competencias executivas en materia de enerxía e industria, en cuxo territorio estea radicada a central hidroeléctrica, condicionada a que os rendementos se destinen á



creación de emprego e competitividade das empresas, especialmente en zonas en proceso avanzado de despoboamento.

3. Con carácter especial, adscribiranse a favor do organismo de conca os aproveitamentos hidroeléctricos de máis de 5.000 KVA revertidos en infraestruturas hidráulicas de interese xeral para usos principais de rega e abastecemento a poboacións, co fin de que os seus rendementos se apliquen aos custos de investimento, funcionamento, mellora e seguridade das infraestruturas do sistema hidráulico xeral ao que pertencen, así como, de forma equivalente, á execución dun programa de restitución territorial e ambiental nas zonas de influencia das obras hidráulicas de regulación. Porén, cando se trate de aproveitamentos hidroeléctricos revertidos cuxa potencia non exceda de 5.000 KVA e estean en canles xestionadas por comunidades de usuarios, cederanse a favor da comunidade xestora da canle, que deberán destinar os beneficios de explotación integramente á xestión das funcións públicas da comunidade.

4. Cando o salto hidroeléctrico fose xestionado antes da reversión por unha entidade local, autonómica, empresa pública ou comunidade de usuarios da auga, a cesión temporal do aproveitamento revertido dará continuidade á titularidade da explotación do aproveitamento hidroeléctrico, previa autorización especial de explotación adaptada ás esixencias da planificación hidrolóxica.

5. O Ministerio de Facenda concretará as condicións da cesión temporal da explotación de aproveitamentos hidroeléctricos revertidos para garantir o cumprimento dos fins da cesión, que se incorporarán á resolución de reversión e a autorización especial de explotación que dite a Administración hidráulica. En todo caso, os contratos con empresas privadas para a xestión técnica dos saltos revertidos someteranse á lexislación de contratos do sector público.

Terceiro. Engádese unha nova disposición adicional décimo sétima coa seguinte redacción:

"Disposición adicional décimo sétima. Adscripción e cesión da explotación de aproveitamentos hidroeléctricos revertidos polas Administracións hidráulicas competentes nas concas internas das Comunidades Autónomas para fins de utilidade pública e interese social

Mediante lei da Comunidade Autónoma regularase a adscripción e cesión da explotación de aproveitamentos hidroeléctricos revertidos polas Administracións hidráulicas competentes, nas concas hidrográficas comprendidas integramente dentro do seu ámbito territorial, para fins de interese xeral e utilidade pública.

Cuarto. Engádese unha nova disposición adicional décimo oitava coa seguinte redacción:


"Disposición adicional décimo oitava. Prohibición para ser titular de novas concesións

En ningún caso poderán ser titulares de novas concesións para uso privativo da auga con fins hidroeléctricos, as persoas físicas e xurídicas, incluídas as do seu mesmo grupo empresarial, cando nunha concesión de salto hidroeléctrico que lles fose outorgada incumpran os requirimentos de retirada ou demolición das instalacións construídas no dominio público hidráulico.

Quinto. Engádese unha nova disposición adicional décimo novena coa seguinte redacción:

"Disposición adicional décimo novena. Xestión da enerxía reservada ao Estado

A enerxía reservada ao Estado ou, de ser o caso, ás CC.AA. nos saltos hidroeléctricos destinarase polo organismo de conca, ademais de aos obxectivos previstos nos respectivos títulos concesionais, aos fins previstos no apartado terceiro da disposición adicional décimo sexta desta lei, e en particular, ás elevacións de auga de titularidade



pública na conca, coas prioridades que se determinen pola Xunta de Goberno a proposta do Presidente do organismo de conca.

Disposición transitoria única. Adaptación dos procedementos de reversión de saltos hidroeléctricos

Aos procedementos de reversión de aproveitamentos hidroeléctricos iniciados con anterioridade á entrada en vigor desta lei, que aínda non se resolven, aplicaráselles as disposicións previstas na devandita lei. E os aproveitamentos hidroeléctricos revertidos adaptaranse ás disposicións desta lei no prazo dun ano.”

Disposición final única.

O Goberno galego poderá ditar as normas regulamentarias que requiran o desenvolvemento e aplicación desta Lei.

Disposición derogatoria única. Derrogación normativa.

Fican derogadas cantas normas de igual ou inferior rango se opoñan ou contradigan o disposto nesta Lei.

Disposición derradeira única. Entrada en vigor.


Esta Lei entrará en vigor aos vinte días da súa publicación no Diario Oficial de Galiza.

III. Os asinantes autorizan a D. Paulo S. Carril Vázquez a presentar e recibir escritos e documentos en nome da Comisión Promotora.

Polo exposto,

SOLICITAN Á MESA DO PARLAMENTO DE GALIZIA: Que teña por formulado o presente escrito de promoción de iniciativa lexislativa popular, acordando a súa admisión a trámite para, unha vez cumpridos os trámites legais, incluída a recolla e presentación de, como mínimo, quince mil sinaturas debidamente autenticadas de cidadáns, publique a presente proposición de lei conforme ao artigo 123 do Regulamento da Cámara para a súa toma en consideración no Pleno e subseguinte tramitación parlamentaria.

Santiago de Compostela, 12 de novembro de 2018.





PARLAMENTO
DE GALICIA

BOLETÍN OFICIAL DO
PARLAMENTO DE GALICIA

Edición e subscricións:

Servizo de Publicacións do Parlamento de Galicia. Hórreo, 63. 15702. Santiago de Compostela.

Telf. 981 55 13 00. Fax. 981 55 14 25

Dep. Leg. C-155-1982. ISSN 1133-2727

